

uero ante se projecto nitore, adiacentia illustrare. Colores uero non nisi ex opaco reddunt, nec ut ipsæ habeant, sed ut repercussu parietem illidant, optimaq; que maximos arcus facit, simillimosq; cælestibus. Est & alia iris cætera similis, & prædura. Quam Horus crematam tusamq; ad ichneumonum morsus remedio esse. Nasci autem in Perside tradit. Similis est aspectu, sed non eiusdem effectus que uocatur Zeros alba nigraq; macula in transuersum distinguente crystallum. Expositis per genera colorum principalium gemmis, reliquas litterarum ordinem explicabimus.

De quibusdam gemmis  
per alphabeti  
ordinem.

¶ Achates in magna fuit auctoritate, nunc in nulla. Reperta primum in Sicilia iuxta flumen eiusdem nominis, postea plurimis locis, excedens amplitudine numerosa, uarietatibus diuersis mutantibus cognomina eius. Vocatur enim Phaspachates, Cærachates, Sardachates, Hæmachates, Leucachates, Dendrachates, uelut arbuscula insignis. An  
G s tachates